

niaranai nanu Kanakanavu ara'una

1 'una ucani Kanakanavu tamna niurina 'una makasi, miaa miana miana
2 pa citai ia, sua Kanakanavu caukia niaranai na “Nacunga” kisun 'unai
3 matianai ara'una. makasi mamarang, sua 'unai isua ia, 'esi na tarapiningia
4 taniarū, nguai sua tararakaua kisun. sua mata'uru arapiningi ia,
5 kina'ucanga tassa. nakai miaa pivura nanakū ia, surumu maroka sua sarunai,
6 koo cu pui'i. nanakū isua, makasua cu miarara, nakai manaturū cūpungu tia
7 aracuvurū. kamanumanu sarunai, patanganaiun kee “Naparumaci” kisun.
8 miaa aratatia cu manu isua, tuturuun nguain tamna cina, miana cucuru kani
9 muru'inasu 'aracuvurū 'inia. marivari Naparumaci, tatia cu ku, 'una
10 cu 'intasū tūni iakurū kasua! surumu putairi na masinang cu ranungū karu
11 surū. matapari'i ranungū, macancani cumacapini tuisua tanasa. maka'una
12 putairi, sua matapari'i ranungū tuisua cu cau. kari mamarang makasi, sua
13 cau isua ia, nguai Kanakanavu tamna tamutamua.

14 'una isua makasi, miaa 'esi pa Nacunga, 'una cani cūpungana marivici
15 tacau arakanū. miaa maica na capici “Na'usurana”, 'una ucani tacau
16 kamanumanu tamtitu. turupang arakanū, ariviciun nguani tacau cina
17 mataa tamtitu pui'i Nacunga, nakai tacau cina takacicini marivici tamtitu

18 manguru mukusa Na'usurana. cau arakanū mukusa Na'usurana mapui'i
19 tacau, nakai maka'una pa tacau manguru na Na'usurana. makasua
20 makatumuru pupui'i. pacūpungu cu cau, nguai kara tacau 'esi masisakau
21 kitana? aravari kucū kita mukusa Na'usurana misee. makasua cu, caukia
22 cucumeni marivici cu cani pininga aravari 'inia.

23 macuvungu, niarakacaua cau, tuisua cu ucani tanasun, nimon nesi
24 Kanakanavu macasu cenana cumacuvurū. vanai tia pavakanū tūni ka'uma,
25 tikirimi munasu to'unaa cumacuvurū. caukia maka'una aranai Na'usurana
26 murocu aravari, nguai sua na cikiringa cakuran Namasia. katatanasa
27 ka'u'uma 'inia. masini, noo muciri kita na tanasun Namasia. tarakusa na
28 cara Nangisaru, 'una 'inia marungūcai tarupu cimurū, nguai isua sua
29 Na'usurana. caukia masini “tamua cimurū” kisun Kanakanavu sua
30 Na'usurana cimurū isua.

31

32

(文章大意 僅供參考) ※字數限 200 字

卡那卡那富族起源傳說

1	傳說在遠古時代族人起源於「那之昂」。那個地方位在太陽出現的	15
2	方向，是所謂的東方。最先出現的是夫妻兩人，妻子生了個兒子取名為	16
3	Naparumaci。小孩長大，突然踢向長滿紅葉的茄苳樹，樹葉疊成一棟棟	17
4	的家屋，落葉變成人，就是始祖。 那之昂時期，有家族的獵團帶獵狗出	18
5	獵，行經藤芭山附近，一隻母狗生了幼崽，狩獵結束後，母狗又帶小狗	19
6	到藤芭山，族人便開始先後移住形成大聚落，後來又從藤芭山往下遷	20
7	移，也就是在楠梓仙溪的兩岸建屋耕作。	21
8		22
9		23
10		
11		
12		
13		
14		